



10. septembar 2021.

Drage kolege,

Tokom narednog perioda nastaviti ćemo sa obaveznim provjerama fizičke spremnosti i predavanjima za sve zaštitare u skladu sa Zakonom o agencijama. Sve kolege koji u Kantonu Sarajevo nisu stigli na dosadašnje termine obuke, dobit će nove termine. U oktobru i novembru ćemo organizovati termine za kolege koji rade poslove fizičke zaštite u ostalim kantonima u Federaciji BiH.



Od 13. do 20. augusta održan je Sarajevo Film Festival sa posebnim sigurnosnim mjerama vezano za epidemiološku situaciju. Securitas u BiH je sponzor, ali u isto vrijeme i zvanična zaštitarska agencija Sarajevo Film Festivala. Naše kolege su pokazale posebnu profesionalnost i strpljenje u situaciji kada je bilo potrebno raditi nekoliko različitih provjera na ulazima u festivalske prostore. Zahvaljujemo se svim kolegama koji su uložili dodatni napor i opravdali povjerenje organizatora i posjetioca Festivala. Vidimo se i iduće godine!



## Posjedujete certifikat?

Možda neko od vas ima Certifikat o stečenom zvanju predavača - instruktora prve pomoći ili ste certificirani vatrogasac? Možda znate neki strani jezik? Imate li neki drugi certifikat koji bi omogućio da radite na radnom mjestu gdje bi se vaše sposobnosti mogle bolje vrijednovati?

Pozivamo sve uposlene da kadrovskoj službi dostave informaciju ukoliko posjeduju neke dodatne certifikate koji nisu obavezni zakonom o zapošljavanju, a koji govore o vašim ukupnim sposobnostima. Slobodno

dostavite skeniran certifikat na e-mail [ljudski.resursi@securitas.ba](mailto:ljudski.resursi@securitas.ba). Mi ćemo ga uvesti u vaš dosje uposlenika i ukoliko se ukaže potreba za specifičnim znanjem ili vještinom koju imate, pozvat ćemo vas.



## Radnik godine!

Naš kolega Selmir Hozić iz Bugojna je odabran kao najbolji među nama za radnika godine i kandidovan za radnika godine na nivou Securitasa u cijelom svijetu. Zadovoljstvo nam je javiti da je kolega Hozić ušao u uži izbor za nagradu u oblasti „Spremnost“. Navijamo za našeg Selmira!



**Budite i dalje jako oprezni vezano za epidemiološku situaciju. Pratite upute nadležnih institucija.**